

大名府志

咸豐三年鐫

大名府志

府庫藏板

序

大名古重鎮也自唐宋五季以
來控馭河北為京師衿喉官此
者率多賢能邁衆之選如狄梁
公李武穆公韓魏公文忠烈公
王沂公歐陽文忠公罔弗興利

剔弊求民之莫載在史策赫赫
若前日事我

朝定鼎以大名接壤豫東為畿南
屏障凡城池之修圯關河之阨
塞風俗之醇駁官職之治忽戶
口田賦之增減兵防馬政之得

失往事如鏡非志述以紀之何
以貽餉後人乎舊志修於前明
乾隆二十五年前太守朱公雅
意重修未集厥事道光三十年
何亦民觀察武荅洲太守踵而
成之何公以憂去武君獨引為

己任歷三年剗刷告歲尚未刷
印武君歸里永柏承乏茲土飭
梓人印本樂觀厥成故不辭謏
陋為疏引其大意如此大名為
古衛地其民質直剛武君子深
思小人任俠大約猛鷙強悍樂

於戰鬪今

國家承平二百年矣漸仁摩義民
不知兵然其風氣猶有未盡泯
者自逆匪盜弄潢池上廩

宵旰

永柏

適涖斯郡修築城池捐備

器械操募練勇為先事預防之

計凡力之所能為敢不竭力殫
心上報

主知下求民瘼所冀一月三捷迅掃

欃槍庶期共享昇平之福抑更
有進焉者前數十年境皆沃壤
耕桑徧野自漳河泛濫水旱頻

仍至今元氣未復有守土之責
者正宜詳明大憲合豫直全局
通籌善策奠厥攸居祇以兵車
絡繹軍書旁午未暇議及然予
心耿耿實有念釋莫忘者倘能
久於其職盪平以後自必為民

請命力挽回瀾以蘇民困即或
量移他往後之君子諒必同抱
此志疏濬源委修築隄防除田
廬漂沒之災登斯民於衽席庶
幾繼武昔賢無負前人修志之
意也夫

咸豐四年歲在甲寅春王正月
朝議大夫署大名府知府毛永
柏謹序

舊序

昔孔子懷東周之志必修春秋載行事是何其篤於信古而不自用耶蓋述往所以鏡來而得失之林鑒戒係焉固不徒托之空言已也大名古魏郡冀堯二州分域自帝項肇都古朴無文其俗沕穆降而殷求以奢澍促數風斯靡矣沿秦漢唐宋以來俱中葉不造干戈相尋孰臣逆鎮鼠穴其中不可僕數粵至明初羣氛始靖更見昇平之盛蓋其由來也有漸而早見亟反豈其無以尸之哉晴山李守宿儲詞林讀祕書於古史理亂之原罔不研核茲知大名事復以郡

志請兩臺蔡山鄭中丞省吾姜巡察松里馬督學暨
二谷侯憲副推大泉潘君纘次寧非心孔子之心而
欲見之行事矣乎天泉故太史編摩有年以國史所
得者載之郡史而又發緝紳家藏檢諸曹故牘及殘
碑斷碣散落未湮者搜括殆盡乃次爲圖說爲紀爲
志爲譜爲傳凡二十有八卷蓋事極鴻纖理通幽渺
而綜核今昔的然不謬於聖人矣政暇晴山與天泉
相對展讀慮河防則思築甌子之智通堤梁則思注
魏橋之利振風俗則思陳孝行之義貢方物則思罷
蠶租之害按田賦則思出市牛之仁輕徭役則思寬

守具之令昭秩祀則思流自馬之誠肅兵防則思樓堞之畧興馬政則思疏括牧之盛蓋必神交意契若身親其事者時而祇梁公魏國祠低回久之固將惕然有感曰是何明德之遠魏人懷刻至今不衰耶而衆樂名堂畫舫名齋又凜若嚴師在前其何德以紹之久而循阡陌升瑕丘憶公叔伯玉之相從未始不爽然同此樂也遠眺牽柯雍榆鹹戚諸故地當時車馬交盟於此寧如今日一統之盛乎又從而步重華望朝歌弔所謂糟丘鶴城者泯沒盡矣其當悼戒爲何如也夫古今者跡也興衰者文也稽跡以明世

故徵文以存典章爲政之要莫急於此故魯有春秋而季札見之嘆曰周禮盡在魯矣齊人亦畏不敢動今大名典章存而不佚古今得失鑒戒昭然使有博洽如札者見之寧已於稱嘆也耶喟予昔謫魏郡不獲遂札所見今辱屬序其成亦信成事固若有待云嘉靖三十七年季春吉旦賜進士出身資善大夫都察院右都御史兼工部左侍郎豐城雷禮撰

叙曰自昔理人者縣法憲令曷嘗不孳孳民之故天下之慮哉故當時則粲然易世則弗諼其仁覆無窮至與天地相敝者惟書史是已而郡國志則史之

分也非郡國志則不能以成國史微史則無以存往
跡而善治嗟呼其重矣哉夫大名者古之魏也以其
襟帶兩河介於山東西之間故常爲天下樞至後分
割則魏又爲北戶屹然外捍故魏者重地也譬魏於
全盛則人之資也列之則薰於心其在偏安則背也
討之則扼於吭故君子而無天下之慮則已誠有之
其所以稽古驗今保輔員輻以鞏輿圖胡可緩哉而
其志顧久弗治非以其重地難之耶頃歲茅子順甫
來倅則嘗爲之茅子文士又喜事然草之卒弗就去
已而再至又竟弗就遺其草且落蓋久之而值大中

丞鄭公巡察姜公董學馬公咸鉅人孳孳於民之故
天下之慮顧大名無能志之者而潘子時乘適以太
史踵而至於兩臺交檄余余受以檄府而太守李
子應乾者尤肫肫家其官則相與委重潘子徵召文
學夜以繼日蓋未半歲而書成其文悉本史遷而備
春秋編年之法精確爾雅近所未見也其志之良乎
廼余尤有重於斯志者其孳孳於民之故天下之慮
也蓋一篇之中三致意焉圖首言大名之地三割矣
縱三而衡一固聖王所以披強枝也然而形束壤制
則尊周者亦無以成夾輔之功然則交鄰之誼犄角